

ბათუმის შოთა რუსთაველის სახელმწიფო უნივერსიტეტი  
აკადემიური საბჭო

მისამართი: 6010, ქ. ბათუმი,  
ნინოშვილის ქ., №35

ტელ/ფაქსი: (+995 222) 27 17 87  
ელ. ფოსტა: [info@bsu.edu.ge](mailto:info@bsu.edu.ge)

დ ა დ ბ ე ნ ი ლ ე ბ ა №108

2014 წლის 5 სექტემბერი,  
ქ. ბათუმი

აკადემიური და მასწავლებელთა პერსონალის აკადემიური დატვირთვისა და  
ჯგუფებში სტუდენტთა ზღვრული ოდენობის  
განსაზღვრის წესის დამტკიცების შესახებ

„უმაღლესი განათლების შესახებ“ საქართველოს კანონის 21-ე მუხლის პირველი  
პუნქტის, 33-ე მუხლის მე-4 პუნქტის საფუძველზე, აკადემიურმა საბჭომ

და ა დ გ ი ნ ა:

1. ბათუმის შოთა რუსთაველის სახელმწიფო უნივერსიტეტის აკადემიური და მასწავლებელთა აკადემიური დატვირთვა და ჯგუფებში სტუდენტთა ზღვრული ოდენობა განისაზღვროს **დანართი 1-ის** შესაბამისად;
2. საჭიროების შემთხვევაში, აკადემიურ დატვირთვებში ცვილილებები განხორციელდეს შესაბამის საფეხურზე სასწავლო სემესტრის დაწყებიდან არაუმეტეს სამი კვირის განმავლობაში, გარდა გარდაუვალი აუცილებლობისა, აკადემიური საბჭოს თანხმობით;
3. „აკადემიური და მასწავლებელთა პერსონალის აკადემიური დატვირთვისა და ჯგუფებში სტუდენტთა ზღვრული ოდენობის განსაზღვრის წესი“ დასამტკიცებლად წარედგინოს წარმომადგენლობით საბჭოს;
4. ძალადაკარგულად იქნეს ცნობილი „პროფესორ-მასწავლებელთა პედაგოგიური დატვირთვისა და აკადემიურ ჯგუფებში სტუდენტთა ზღვრული ოდენობის განსაზღვრის წესის დამტკიცების შესახებ“ ბათუმის შოთა რუსთაველის სახელმწიფო უნივერსიტეტის აკადემიური საბჭოს 2014 წლის 25 ივნისის №72 დადგენილება;
5. დადგენილება ძალაში შევიდეს ხელმოწერისთანავე.

აკადემიური საბჭოს თავმჯდომარე,  
რექტორი, პროფესორი

ალიოშა ბაკურიძე

**აკადემიური და მასწავლებელთა პერსონალის აკადემიური დატვირთვისა  
და ჯგუფებში სტუდენტთა ზღვრული ოდენობის  
განსაზღვრის წესი**

1. ბათუმის შოთა რუსთაველის სახელმწიფო უნივერსიტეტში (შემდეგში „უნივერსიტეტი“) სასწავლო-სამეცნიერო პროცესი წარმართება კონკურსის საფუძველზე არჩეული აკადემიური პერსონალის (პროფესორი, ასოცირებული პროფესორი, ასისტენტ-პროფესორი, ასისტენტი) და მასწავლებელთა პერსონალის (სპეციალისტების) მონაწილეობით.

2. უნივერსიტეტის წინაშე ვალდებულების მიხედვით აკადემიური პირები იყოფიან „ა“, „ბ“ და „გ“ კატეგორიებად:

„ა“ კატეგორიის აკადემიური პერსონალის დატვირთვა (სააუდიტორიო და არა-სააუდიტორიო) ერთ საშტატო განაკვეთზე, სასწავლო წლის განმავლობაში შეადგენს 1500 საათს.

„ბ“ კატეგორიის აკადემიური პერსონალის დატვირთვა (სააუდიტორიო და არასააუდიტორიო) ერთ საშტატო განაკვეთზე, სასწავლო წლის განმავლობაში შეადგენს 750 საათს.

„გ“ კატეგორიის აკადემიური პერსონალის დატვირთვა (სააუდიტორიო და არასააუდიტორიო) ერთ საშტატო განაკვეთზე, სასწავლო წლის განმავლობაში შეადგენს 1100 საათს.

3. საშტატო ერთეულის სავალდებულო სააუდიტორიო დატვირთვა შეადგენს:

„ა“ და „გ“ კატეგორია:

- პროფესორისათვის - 250 საათს;
- ასოცირებული პროფესორისათვის - 300 საათს;
- ასისტენტ პროფესორისათვის - 320 საათს;
- ასისტენტისათვის - 350 საათს.

„ბ“ კატეგორია:

- პროფესორისათვის - 125 საათს;
- ასოცირებული პროფესორისათვის - 150 საათს;
- ასისტენტ პროფესორისათვის - 160 საათს;
- ასისტენტისათვის - 175 საათს.

4. „ა“ და „გ“ კატეგორიის იმ აკადემიური პერსონალის სავალდებულო სააუდიტორიო დატვირთვა, რომელიც ატარებს მეცადინეობებს საბაკალავრო პროგრამებზე მცირერიცხოვან ჯგუფებში (სტუდენტთა რაოდენობა 10 და ნაკლები), განისაზღვროს შემდეგი ოდენობით:

- პროფესორისათვის - 250-დან 300 საათამდე;
- ასოცირებული პროფესორისათვის - 300-დან 350 საათამდე;
- ასისტენტ პროფესორისათვის - 320-დან 370 საათამდე;
- ასისტენტისათვის - 350-დან 400 საათამდე.

„ბ“ კატეგორიის იმ აკადემიური პერსონალის სავალდებულო სააუდიტორიო დატვირთვა, რომელიც ატარებს მეცადინეობებს საბაკალავრო პროგრამებზე

მცირერიცხოვან ჯგუფებში (სტუდენტთა რაოდენობა 10 და ნაკლები), განისაზღვროს შემდეგი ოდენობით:

- პროფესორისათვის - 125-დან 150 საათამდე;
- ასოცირებული პროფესორისათვის - 150-დან 175 საათამდე;
- ასისტენტ პროფესორისათვის - 160-დან 185 საათამდე;
- ასისტენტისთვის - 175-დან 200 საათამდე.

5. საშტატო ერთეულის სავალდებულო დატვირთვის შემადგენელი კომპონენტებია:

5.1. სალექციო, პრაქტიკული/ჯგუფში მუშაობა, სემინარული და ლაბორატორიული სამუშაო (სწავლების პირველ საფეხურზე) – ერთი სააუდიტორიო შეხვედრა ერთი საათი;

5.2. საველე-სასწავლო/საწარმოო/პედაგოგიური პრაქტიკა – საათების რაოდენობა განისაზღვრება საგანმანათლებლო პროგრამების/სასწავლო გეგმების შესაბამისად;

6. საშტატო ერთეულის არასააუდიტორიო დატვირთვის შემადგენელი კომპონენტებია:

6.1. კონსულტაცია სტუდენტთათვის - სასწავლო კურსზე კვირაში 2 საათი;

6.2. უწყისის/ჟურნალის წარმოება - 1 ჯგუფზე - 10 საათი;

6.3. სტუდენტის შეფასება (შუალედური, ფინალური) – 1 სტუდენტზე 1 საათი სემესტრში;

6.4. 100 სავამოცდო ტესტის შედგენა ან 20-25 გვერდი (ზუსტი მეცნიერებებისთვის 8-10 გვერდი) უცხოური სამეცნიერო ლიტერატურის თარგმნა - 100 საათი (სავალდებულოა „ა“ კატეგორიის პერსონალისთვის);

6.5. სილაბუსის შედგენა/სრულყოფა - 1 სილაბუსი 50 საათი;

6.6. საგანმანათლებლო პროგრამის ხელმძღვანელობა - 1 პროგრამა - 50 საათი;

6.7. საგანმანათლებლო პროგრამის მომზადება - 1 პროგრამა - 100 საათი;

6.8. კურატორობა – ერთ ჯგუფზე სასწავლო წლის განმავლობაში - 50 საათი;

6.9. საბაკალავრო ნაშრომის ხელმძღვანელობა – 1 ნაშრომი - 30 საათი (აქედან საათობრივი ანაზღაურების წესით ანაზღაურდეს 10 საათი);

6.10. სტუდენტთა სამეცნიერო ნაშრომის ხელმძღვანელობა - 1 თემა - 10 საათი;

6.11. სტუდენტთა სამეცნიერო წრის ხელმძღვანელობა – სასწავლო წლის განმავლობაში - 50 საათი;

6.12. სამაგისტრო ნაშრომის რეცენზირება - 1 ნაშრომი - 10 საათი;

6.13. სამაგისტრო ნაშრომის ხელმძღვანელობა სწავლების მეორე წლიდან განისაზღვროს - 1 ნაშრომი - 50 საათით (აქედან საათობრივი ანაზღაურების წესით ანაზღაურდეს 20 საათი);

6.14. სადოქტორო ნაშრომის რეცენზირება - 1 ნაშრომი 20 საათი;

6.15. დოქტორანტის ხელმძღვანელობა - 150 საათი, სწავლების თითოეული წლისათვის 50 საათი. (აქედან საათობრივი ანაზღაურების წესით სწავლების პირველი წლისათვის ანაზღაურდეს 20 საათი, მეორე და მესამე წლისათვის - 40-40 საათი);

6.16. ახალი სალექციო კურსის მომზადება - ერთი 5 კრედიტიანი სალექციო კურსი - 250 საათი;

6.17. სახელმძღვანელოს თარგმნა - 1 გვერდი - 1,5 საათი;

6.18. სახელმძღვანელოს/მონოგრაფიის რეცენზირება - ერთი სახელმძღვანელო/მონოგრაფია - 30 საათი;

6.19. სახელმძღვანელოს/მონოგრაფიის რედაქტორობა - ერთი სახელმძღვანელო/მონოგრაფია 40 საათი;

6.20. მონოგრაფიის ან სახელმძღვანელოს მომზადება - 1 გვერდი - 2 საათი;

6.21. სამეცნიერო სემინარზე მოხსენების გაკეთება - 1 მოხსენება - 20 საათი;

6.22. სამეცნიერო სტატიის მომზადება და გამოქვეყნება (თანაავტორობის გარეშე) ბსუ-ს ან იმპაქტ ფაქტორიან ჟურნალში - 1 სტატია 50 საათი (სავალდებულოა „ა“ კატეგორიის პერსონალისთვის);

6.23. საკონფერენციო თემის მომზადება - 20 საათი;

6.24. სამეცნიერო კონფერენციის/სემინარის/სიმპოზიუმის/კონგრესის საორგანიზაციო კომიტეტის წევრობა - 20 საათი;

6.25. საპატენტო განაცხადის მომზადება/წარდგენა -30 საათი;

6.26. საგრანტო განაცხადის მომზადება/წარდგენა (სავალდებულოა დოქტორანტის სამეცნიერო ხელმძღვანელისთვის) - 50 საათი;

6.27. დეპარტამენტის ხელმძღვანელობა - 150 საათი;

6.28. სასწავლო დეპარტამენტის ხარისხის უზრუნველყოფის სამსახურის კოორდინატორი - 50;

6.29. წარმომადგენლობითი საბჭოს წევრობა - 30 საათი;

6.30. აკადემიური საბჭოს წევრობა - 50 საათი;

6.31. სადისერტაციო საბჭოს წევრობა - 1 სხდომა - 3 საათი;

6.32. ფაკულტეტის საბჭოს სხდომებში მონაწილეობა - 1 სხდომა - 2 საათი;

6.33. დეპარტამენტის სხდომებში მონაწილეობა - 1 სხდომა - 1 საათი;

6.34. რედაქციის წევრობა - 10 საათი;

6.35. კურიკულუმის კომიტეტის წევრობა - 1 სხდომა - 2 საათი;

6.36. საჯარო ან ღია ლექცია (სავალდებულოა „ა“ კატეგორიის პერსონალისთვის) - 1 ლექცია 5 საათი.

6.37. სხვა (წინამდებარე წესით გაუთვალისწინებელი) საუნივერსიტეტო აქტივობა - საათების სავარაუდო რაოდენობა გონივრულ ფარგლებში;

7. პროფესიულ და უმაღლესი განათლების მეორე და მესამე საფეხურზე, აკადემიური დატვირთვა (სასწავლო კომპონენტი), ასევე სტუდენტთა განსაზღვრულ რაოდენობაზე ნაკლებ ჯგუფებში (როგორც ძირითად, ისე დამატებით სპეციალობაზე, არჩევით სასწავლო კურსში/მოდულში, სტუდენტის მიერ განმეორებითი კურსის გავლის შემთხვევაში) აკადემიურ და მასწავლებელთა აკადემიური დატვირთვის განსაზღვრა დარეგულირდეს რექტორის სამართლებრივი აქტით, ინდივიდუალური ხარჯთაღრიცხვის საფუძველზე;

8. პროფესიულ და უმაღლესი განათლების მეორე და მესამე საფეხურზე აკადემიური დატვირთვა (სასწავლო კომპონენტი) ანაზღაურდეს მხოლოდ საათობრივი ანაზღაურების წესით;

9. ემერიტუსები, სურვილის შემთხვევაში, დაიტვირთონ მხოლოდ უმაღლესი განათლების მეორე და მესამე საფეხურზე. ემერიტუსის მიერ შესრულებული სამუშაო (სალექციო, პრაქტიკული/ჯგუფში მუშაობა, სემინარული და ლაბორატორიული სამუშაო) ანაზღაურდეს საათობრივი ანაზღაურების წესით (გარდა ბსუ-ს წესდების 62-ე მუხლით გათვალისწინებული გამონაკლისებისა);

10. მოწვეულ პროფესორთა და მეცნიერ-თანამშრომელთა დატვირთვა და ანაზღაურების წესი განისაზღვრება ინდივიდუალური ხელშეკრულებით;

11. დასაშვებია ერთი პიროვნების მიერ ერთდროულად არაუმეტეს 3 დოქტორანტისა და 2 მაგისტრანტის ან ერთდროულად 5 მაგისტრანტის ხელმძღვანელობა სასწავლო წლის განმავლობაში;

12. როგორც დოქტორანტს, ისე მაგისტრანტს შეიძლება უხელმძღვანელოს პროფესორმა ან ასოცირებულმა პროფესორმა, აგრეთვე სამეცნიერო თანამდებობის მქონე დოქტორის აკადემიური ხარისხის ან მასთან გათანაბრებული ხარისხის მქონე პირმა;

13. აკადემიურ პირს არასააუდიტორიო დატვირთვის შემადგენელი კომპონენტები შესრულებულად ჩაეთვლება მხოლოდ შესაბამისი დარგობრივი დეპარტამენტის სხდომის დადგენილების საფუძველზე.

14. პუნქტებით - 6.21, 6.22, 6.25 გათვალისწინებული კომპონენტები შესრულებულად ჩაითვლება შესაბამისი ფაკულტეტის საბჭოს დადგენილების საფუძველზე.

15. უმაღლესი განათლების პირველ საფეხურზე აკადემიურ ჯგუფებში სტუდენტთა რაოდენობა განისაზღვროს:

15.1. ლექცია – არა უმეტეს 60 სტუდენტისა;

15.2. საბუნებისმეტყველო, ექსპერიმენტულ, კომპიუტერულ და ტექნიკურ მეცნიერებებში ლაბორატორიული, უცხოურ ენებში პრაქტიკული მეცადინეობა – არა უმეტეს 20 სტუდენტისა;

15.3. ჯანდაცვის სპეციალობების კლინიკურ დისციპლინებში პრაქტიკული მეცადინეობა (კურაცია) – არაუმეტეს 15 სტუდენტის;

15.4. სხვა დანარჩენი სპეციალობების პრაქტიკული და სემინარული მეცადინეობა, ჯგუფში მუშაობა – არაუმეტეს 30 სტუდენტის;

15.5. სხვადასხვა სახის პრაქტიკების დროს ჯგუფში სტუდენტთა რაოდენობა უნდა შეესაბამებოდეს შესაბამის სასწავლო ჯგუფში პრაქტიკული მეცადინეობისათვის დადგენილ რაოდენობას. გარდა პედაგოგიური პრაქტიკისა, სადაც ჯგუფში სტუდენტების რაოდენობა არ უნდა აღემატებოდეს 25-ს.

15.6. დამატებითი სპეციალობაზე, არჩევით სასწავლო კურსში/მოდულში ან მასწავლებლის მომზადების საგანმანათლებლო პროგრამაზე ჯგუფში სტუდენტთა რაოდენობა უნდა შეესაბამებოდეს ძირითად სასწავლო ჯგუფში სტუდენტთა რაოდენობას ამ წესის 15.1, 15.2, 15.4 ქვეპუნქტების მიხედვით.

16. პროფესიულ საგანმანათლებლო პროგრამებზე აკადემიურ ჯგუფებში სტუდენტთა რაოდენობა განისაზღვროს – არანაკლებ 20 სტუდენტისა;

17. უმაღლესი განათლების მეორე საფეხურზე აკადემიურ ჯგუფებში სტუდენტთა რაოდენობა განისაზღვროს - არანაკლებ 5 სტუდენტისა;

18. წინამდებარე ნორმატივებში ცვლილების შეტანა შესაძლებელია აკადემიური და წარმომადგენლობითი საბჭოს თანხმობის საფუძველზე.